

ORATIO
DE VIENNA

AB ARCTISSIMA TVRCARVM OBSIDIONE
LIBERATA

SVB AVGVSTISSIMO
LEOPOLDO
CAESARE

DICTA

A IOANNE BAPTISTA LVCINO
NOBILI ANCONITANO

IN ACADEMIA HVMORISTARVM VRBIS

Die tertia Octobris MDCLXXXIII.



PERVSIAE, Apud Constantinum. MDCLXXXIV.

ROYAUME

DE VIENNE

DE LA VILLE DE VIENNE

PAR LE SIEUR DE VENTISSEMO

LEOPOLDO

CHASSE

ETC.

CHASSE ET PÊCHE

CHASSE ET PÊCHE

CHASSE ET PÊCHE

CHASSE ET PÊCHE



CHASSE ET PÊCHE

CHASSE ET PÊCHE



ORATIO.



Iluxit tandem fortunatissimus ille dies nostra conspicuus Victoria, Turcarum clade insignis, quo nullus unquam Christianæ Religioni, vel illustrior possit, vel debeat esse felicior; Qui Viennam Imperij caput arctissima obsidione, acerbissima vexatione Germaniam, Italiam æternamque hanc Urbem metu indignissimæ seruitutis liberauit, & infensissimos fidei hostes vasta penitus strage deleuit.

Detonuit tandem sæuus ille nimbus armorum, qui nostro capiti minabatur: & bellici furoris incendium, quod fertilissimas Mundi Prouincias longè latèque vastauerat, Thracio demum sanguine extinctum est.

Nusquam dignius Cæsarea Maiestas effulsit, nusquam clariùs Regia virtus emicuit, nusquam sanctiùs Pontificia Charitas apparuit, nusquam latiùs Christiana Respublica triumphauit.

Quæ nunc gratulationes, qui plausus? vt feruet in oculis gaudium, vt sp. lendet per templa, per aras; vt turbant

noctis Imperium faces accensæ in argumentum lætitiæ ;
 ut isti parietes , hæc ædes quodam Iucunditatis sensu
 gestire , & exultare videntur !

Musæ etiam , (quibus Cura Heroum facta in longum AEuū
 dimittere) parantur ad laudes ; quid tantū ad laudes ?
 Virginea , sed sæua Cohors , bella volunt , tela vibrant ,
 plectri cuspide victis instant , horrendamque edunt per
 Carmina cædem .

At Vos Mundi decora , belli fulmina , totius Christiani Or-
 bis propugnatores inuicti , ingensque æternæ gloriæ cō-
 plementum , omnium laudes promeriti , quot quot à Vo-
 bis seruatos se sentiunt (sed qui non seruati ?) quod Vi-
 ctoribus difficillimum est , à sanguine & cæde parum-
 per abstineatis , donec Roma æquas vobis reddat gratias ,
 & tota in vestras commendationes erumpat ; ibitis postea
 acriores vltima belli spolia suscepturi .

Ququam adeo beneficij pondus excedit , ut vix dum so-
 luta metu Capitolium aperiatur , & triumphales statuas mo-
 liatur , non habet tamen vnde satis se gratam testetur .
 Quòd enim stamus , quòd sumus ; quòd his aris , his
 templis , quòdque erudito hoc cœtu perfruamur , Ve-
 strum est , Vobis debetur , Vos vestris periculis nostram
 salutem , vestro sanguine nostram felicitatē confirmastis .

Permittite tamen ut catenatas , inter fractasque hostium cer-
 uices nostrę emicent monumenta gratitudinis , Victęque
 inter Turbæ gemitus eorum plausus excipite , pro quibus
 vicistis ; nec deerunt verba dicenti ; quando hæc sele-
 ctissimorum virorum circumfusa corona , hæc tam fre-
 quens copia Purpuræ ; tamque intima cordis lætitia pars
 & pretium erunt eloquentiæ .

Verùm tantam pompæ celebritatem tanta dedecet temporis angustia, cursu opus hic est, non oratione, excusanda igitur, quæ dixerim, & quæ non dixerim; date interim veniam Auditores ornatissimi, ut nostri timoris causas, quæ iam abierunt in gaudia, leui adhuc stilo pertranscā. Placet inter conuiuia narranti superata maris tempestas, & transacti feliciter periculi læta est recordatio.

Quæ rerum facies? cum infestissimus Christianæ Religionis Hostis, diu meditatum bellum horrendo apparatu, quale nunquam vidit Antiquitas, indita ferocitate Ingenij, Coniuratorum inuocatione, cupiditate prædæ, finitimis, pulcherrimisque Prouincijs inferret?

Fremit superbia militum penetrandas Pannonias, vastandam Austriam, Viennam ipsam, munitissimum Imperij caput, & tertio parem experimento quâ vi, quâ dolis tentandam.

Quis Persarum vanitatem amplius miretur? fama est inter ceteros belli apparatus, quibus Græciam adorti sunt, saxum ingens adduxisse, destinatum ad trophæa nondum deuictæ pugnæ, nondum obtentæ Victoriæ; Certius tamen Imperij spem, & fortunas, dicataque Christo Regna varia Hostium temeritas animo nunc occupauerat: Hinc plurima ad bellum suppellex, plurima ad triumphum.

Nullum interea seuitiæ genus omissum; non sexus, non ætas barbarorum manus euasit; tot sceleribus magis quàm par esset, indulgente fortuna.

Maestè tamen animis fertilissimæ Prouinciæ Immerita licet clade vastatæ, amenitatem vestram, quàm seua præripuit tempestas, Hostium profunda cædes ingenti compensatione rependet.

Vos etiam, Patriæ Hostes, infausta nomina Teclij, & Bu-
duane, vos huius furiae, facesque belli, qui teterrimas
acies in florentissima Regna inuexistis, dabit citò, da-
bitis, inauditi sceleris pœnas, quid dabitis? datis, imo
verius iam dedistis, detestabiles semper in ore famæ, in
vituperatione gentium; quanquam si vestra, tot Hostium
clades, fuerat perditione obtinenda, gratias patrati fa-
cinoris promeremini; bene est; Quòd vobis non rebel-
lantibus non poterat triumphari, & vobis non pereunti-
bus, non poterat Respublica conseruari.

Munitissima interim arce frustra tentata, ad Viennam præ-
cipiti cursu barbarus aduolat Miles, Viennam adoritur;
quatit, oppugnat; sed irritò semper conatu, obtritæ ma-
chinæ, repulsa vis, fusæ copiae, trucidatæ Acies, reple-
ta Cadaueribus fossa, flumenque plurima cæde redun-
dans.

Quæ verò tibi debita est laus Erneste propugnator fortissime,
Germanicæ virtutis æternum decus, & gloria, qui sum-
mis periculis ausus es intrepidum pectus obijcere, & exū-
dantem armorum torrentem vno muri argine cohibere?
In te conuersi sunt omnium oculi, pro te funduntur
omnia vota, tibi militant omnium preces; cui non dictus?
cui non laudatus? tibi sacratæ Cælo Virgines pulchro
suffusæ pudore genas suam cōmendant pudicitiam; tuum
Religiosi Ordines, mixtiq; pueris senes, nomen inuocant,
& patrocinium felix à quo pendeat templorum augusta
Maiestas, Imperij caput, salus Orbis, Fidei spes & Reli-
gionis; Viderint Hostes nostri, & hoc demum experi-
mento erudiantur quàm distet à cæco impetu vera ratio
belli, à temeritate virtus, à pertinacia constantia? Quid
moror?

moror? feliciter excessisti vota; spem superasti; perau-
gil, assiduus operi, infractus animo, & fide, barbarorum
conatus repressisti; egregiè tuo nomini, salutis nostræ,
& futuræ historiæ consuluisti; tuo exemplo incensi Mi-
lites, vitæ & sanguinis prodigi strenuè dimicantes,
triumphalem animam pro fide, pro Patria litarunt; illi
iam gloriam adepti, superstites promeriti, vtrique
felices.

Exigua tamen sit illa Victoria, quæ depressum dimittat Ho-
stem non fuget, fuget tantum non obruat; nimis æquè
cum iniquissimis hostibus actum foret, si pares scelerum,
impares exitu, aliqui abirent ad suos nostri sanguinis
ostentatione gloriantes; hæreant adhuc mænibus, sit lon-
ga obsidio, vel quia brevis, inuictæ fecisset iniuriam vir-
tuti, longum exempli spatium promeritæ, ne paucis
splendoribus coruscaret; vel ut iustas digesta per moras,
ad debitam maturitatem pæna adolesceret; venient (au-
gurator) tot cædium ultores, penasque de seuißimis gen-
tibus repetent; Germani se nouerint, feliciter in publi-
cum conspirabunt hostem; & Poloniæ Legiones, verè *ac*
fulminatrices, mutuum cum fænore reddentes, ad Impe-
rij præsidium aduolabunt.

Instans tamen periculum, longè auxilia, impigra mala, ma-
lisquè plerumquè tardiora remedia: quis dissitas gentes
Patriæ charitatis vinculo, & inopina societate coniun-
get? Tu omnium maximus sanctissime Pontifex, itine-
rum morarumque dispendia, miro celeritatis & pru-
dentia compendio præcidisti; sub tuis auspicijs Regia
fœdera statim coaluere, in fidei & Imperij tutelam quàm
citissimè eruptura.

Res miraculo similis ; Gloriosissimus Poloniae Rex nutu
 Sanctissimi Pontificis ubi Imperium , ubi fidem periclitari
 videt , purpuram abijcit ad pedes Virginis , galeam induit , & sui suorumque oblitus (heroum instar , quos ex
 suscepta Orbis tutela commendauit Antiquitas) extra
 Regnum incunctanter euolat ; quid extra Regnum ? qui
 Regnum ubique habet , ubi est honor gloriae , amor virtutis ?
 quid extra Regnum , dum inuictissima Natio penè
 suis effusa sedibus Regem suum ubique in pugna ,
 ubique sequitur in triumphis ?

Salue flos Regum , gemma Principum , defensor fidei ,
 perpetuus Triumphator , & victor ; quid duplici Victoria
 tumultus superbiat Epaminundae , cum tu tot merueris trophæa ,
 quot praelia , nec annos numeres , sed triumphos ?
 Otius etiam maioribus maior Grande nomen IACO-
 BVS SOBIESCHI ; sed ille sub VVladislao Rege
 egregiam militiae nauauit operam , tu dignus semper , cuius
 sub auspicijs erudiendi Reges militarent , ille ad Thracem
 Tyrannum legatus missus Reipublicae pacem firmavit ,
 Tu bello Turcis illato salutem confirmasti ; Bellum ille cum
 Osmano feliciter gestum eleganti stylo descripsit ; Tu scribenda facis ;
 quis enim tua valeat numerare trophæa ? quid memorè Chocimèsi
 clade profligatum Ibraim ? quid exiguus copijs , apud Zoraucum ,
 Turcicum , & Tartaricum bellum dissipatum ? sensere olim
 victricè dexterà seruatae Vrbes , Domiti Thraces , Succi ,
 Moschae , Cossacci , Trasiluani , Magdeburgici , pugnati saepe
 sepe victi . Sed primae hæc fuerint rudimenta virtutis , &
 decora Ducis , Regem facere condiscantis ; vt venit in
 Regni lucem , vt adoleuit in purpura , quàm tunc in
 immensum erupit
 virtus .

9

virtus, quàm felici alluuiione visa est amplificari? ob-
stuit fama inaudito facinore perculsa, cum tu Regni in-
signia suscipere distulisti, donec periclitanti Reipublicæ
consuluiſſes.

O felix dilatio fenus æternæ gloriæ paritura! mirentur Re-
ges generosam animi moderationem, qui regnare nol-
let, nisi dum Respublica salua foret.

Tuquè ò Regiæ stirpis generosa Propago, spes metusque
populorum, & maior ad patriam tot palmarum acces-
sione rediture, quæ in hac fidei, & gloriæ Palestra po-
nes tyrocinia virtutis? vt trophæa Patris te excitant ad
gloriam, vt sacra meditaris bella, & quodam felicitatis
augurio, studio Regio, Urbium Imagines oculis meti-
ris & euoluis, quas deinde prælio vincas; pluresquè
erudiris in linguas, vt plures domineris in populos.

Interea dum hæc miramur, fulgentes armis, feroces, in-
uictæ, famæque similes, Polonicæ, & Lithuanicæ Le-
giones ad Istri ripas iam consistunt; hic qualis heroum
concurſus? nusquam splendidiùs, siderum congressu su-
blimis cæli plaga renidet; vt ad Cæsaris, & Regis adspe-
ctum pars illa Mundi beatissima insuetis splendoribus
coruscavit. Quæ tunc laudum in Cæsarem conspiratio?
cum Exercitus è longinquis Regionibus ad prælia mis-
sus; tanta maiestate perculsus, eloquentiæ munus obi-
ret, & in LEOPOLDI plausus effusus, sic conclamaret:
O Inuictissimum Imperij & Religionis, in pace decus,
in bello præsidium, Augustissime IMPERATOR, qui
miro fædere tam diuersas res sociasti, belli laudem &
paci gloriam, authoritatem & moderationem, maie-
statem morumque facilitatem, clementiam & iustitiam,
 & quod

& quod difficilius, summam Potestatem ; & summam Fidem .

Tu Pacis studia ita seruas vt ornes, bellum ita geris, vt semper vincas . Per te Romanæ triumphant Aquilæ siue Rhæni siue Danubij Alueum bibant, & tot Regnorum Interualla, quibus sol peragrandis vix satis est, tuis coniunguntur Victorijs. Tu Ecclesiæ Columen, Orbis salus, & tutissimum aduersus ferocissimas Nationes Religionis propugnaculum : Felix Austria , Aula Regum , Heroum seminarium inexhaustum , iam tuis triumphis vterque penè deficit Orbis . Tertius igitur pateat, cumq; fidei Causa sit cum tua gloria cōiuncta, tuis inuideat victorijs, qui Mundi oderit felicitatem, qui Religionis horreat Incrementa . En tuis nostra iungimus Arma iam dudum fidei defensionī consecrata. hæret adhuc mētibus nostris, quod Tu confertissimas copias contra nostrarum Prouinciarū Inuasores præsentissimo beneficio transmisisti, nunc gratiam cum fienore rependimus, nisi quòd antiquo muneri nouum onus accedit, quòd gloriam etiam communē hostem vincendi, nobis communem facis ; fæderatas inter acies nulla æmulatio, quam gloriæ, nullum certamen, quàm virtutis, nulla offensio, quam periculi : primos iube labores, experire .

Nunquam desinent gratissimæ nationis præconia, nisi laudum cursum initium pugnæ intercipiat, interim Diuinæ Prouidentię miremur arcanum, quòd anteacltis sæculis ad inuidiam, ad nostræ ætatis gloriam, ad Posterorum erit admirationem ; Tres Diuina Bonitas ab æterno elegit animas, quas morum similitudine, & præstantia ad tutelam Religionis, & Orbis in summo rerum discrimi-

ne sociaret INNOCENTIVM, LEOPOLDVM, & IOANNEM; par in populos Charitas, in Deum pietas, par Religionis studium, omnibus idem ad Imperium Iter, VIRTVS, MERITVM, NON FORTVNA; Digni quos optimi inter meliores probarent, Digni qui curam rogati capefferent Reipublicæ, Digni qui insimul periclitanti consulerent Religioni, qui insimul vincerent, insimul triumpharent.

Iamquæ traiecto Danubio fatalis patuit area Belli. Hinc barbarorum innumerabilis multitudo, & Turba potius, quàm Exercitus; illinc Christiana Cohors splendidior Armis, constantior signis, & tam alacris ad pugnam, ac si diuinitus foret illi promissa Victoria.

Bene est, plures sunt Hostes, at plures vincentur: plures sunt Hostes, hos verò quot computas? Quem enim parem habeat Lotharingi Ducis Inuictissima virtus, in Aula Heroum progenita, adulta in Castris, pluribus exercita prælijs, innumeris decorata trophæis? Vix Hostes viderint Victtricem Aquilam, qua ad Sangottardum funestissima fuerunt clade deuicti, Vix Caroli Quinti (Turcis semper fatale nomen) militaris tuba concinet, ut præcípites illos in fugam rapiet recentium præliorum terror, & antiquæ ingens vmbra victoriæ. Quid memorem heroici spiritus præsentiam, qua sub hostium oculis Vrbes præmuniendo seruauit? quid fortitudinem, qua innumeras acies parua militum manu continuit, inuasit, disiecit? Nimirum per hæc veluti prima Belli tentamina ad plenam erudiebatur Victoriæ.

Gratulor tibi Principum fortissime, quòd salus publica tantum tibi debeat, quantum interest, per te extrema inter

peri-

pericula Cæsareæ Domus Maiestatem fuisse seruata;
Tulaboranti Germaniæ, Tu periclitanti Italiæ opem tu-
listi, fecisti quæ fidem excedant Historiæ, quæ Poetarû
commenta transgrediantur.

At qualis ex illa armorum nube grandis emicat Imago vir-
tutis! agnosco Germanicæ gloriæ propagines, & tot
Heroas, quot Principes, quorum præsentia efficiet, vt
hostibus ineuitabilis sed non turpis sit fuga, necessaria
sed gloriosa sit mors.

Præcipuus tamen fulguranti ex illa nube Bauarus radiat
Achilles, qui cæteris virtute præstat, & exemplo; Pri-
mus ille auxiliares mouit copias, exercitum com meatibus
instruxit; Primus Cæsari salutis indidit spem; Primus
ad Victoriæ ostendit iter, nimirum huius inclytæ fami-
liæ Principes hoc fato nascuntur vt Urbis Viennæ defen-
sores alij, iste sit Vindex. Iuuat mirari regiam indolem
Belli Pacisque mixtam trophæis, subditis placidam,
Hostibus formidandam; Iuuat tam præclara ex Aurora
lucidissimum auspicari solem, & hoc gloriæ primordio
futuros metiri triumphos.

Te etiam manent debita famæ præconia, & quæ, parcendo
tempori, nunc prætermitto, spondeo, ingenti laude re-
pendam.

Habet etiam nostra Italia vnde meritò superbiat, sentiatque
positam se extra Inuidiam, non extra gloriam; Innumeros
habet illa Duces, quorum probata fides, laudanda virtus.
Vos Rabatta Strafo de Caraffa Archinte, & antiquos
reduces ad Triumphos (Prima Urbis sydera) Torquatos,
& Innocentios, & te o ingens Urbini gloria. Vosque
præclara Ferrariæ ornamenta, Teque egregium Ianuæ
Decus,

Decus, cui plus ex vulnere manat gloriæ, quàm cruoris;
quantum ad spem auitæ virtutis assurgis, & famæ; cogit
temporis angustia vt multum vestris detraham de laudi-
bus, & penè inuidus videar & ingratus.

Sed quò me rapis Felsina primis onusta victorijs, & primo
palmarum libamine ambitiosa! quod par heroum AENE-
as, & Albertus ex florentissima illa familia, quæ pluribus
insignita trophæis collecta tenet quæ faciunt diuisa bea-
tos, ille Turcarum terror vix sub Octauio Piccolomi-
neo eius auunculo miles inauguratus Leuentium ab ar-
ctissima obsidione liberauit; mox supremus Equitum Du-
ctor præcipuam Vngariæ partem breui dierum cursu vin-
cendo restituit.

Iste summum robur, summa cum prudentia coniungens,
egregia fide & constantia, difficillimis in tractationibus
apud Turcarum Tyrannum ita se præstitit, vt publica
res & Imperij Dignitas salua foret, irrita etiam legatio-
ne gloriosior.

Hanc tamen laudis partem ad vos spectare, Academici Or-
natissimi, iure censeo, quia ad vos spectat Albertus Col-
lega vester, & socius emeritissimus, qui in hoc erudito-
rum theatro humanioris literaturæ lacte imbutus, primæ
iecit fundamenta eloquentiæ.

Tot igitur Heroum aduentus in quorum barbara Turba con-
fidebat absentia, timeo ne solo nominis terrore timeatur,
actoque in fugam Hoste præclaræ abrumpat spem Victo-
riæ. Stabunt, licèt territi, & ad vestrum triumphum
stabunt; Nemesis expectantes, arrogantæ vlttricem,
& tot facinorum pœnas reddituri.

Hinc commissæ Acies, vibrata tela, insucta vulnera, & co-
minus

minùs de salute; & gloria decertatum; tamdiu resistere hostes, donec constaret deberi victoriam virtuti, haud fortunę. Visirius Christiani Exercitus impetum impar diu sustinere; cessit tandem, equi celeritate non ad prælium vsus, sed ad fugam; Hinc primùm in Hoste trepidatio, mox fuga, orta cedes, parta Victoria, præcepta Castra, ablata insignia, seruata Vrbs, plurium Nationum nomina vnus compendio Prælij deleta, Orbis que rapinę vna tantum præda redemptę; nullum celerius Bellum confectum, nulla amplior Victoria, quę, & Germanię latę vlciscatur iniurias, & Bizantij auspicetur excidium.

Iamque subito terrore perculsus Barbarus Imperator prospectis ferox impar aduersis miratur Istrum suorum cede redundantem, ire tamen ingenti clade tardiores; nunc feriendus, nunc prostrandus; sit finis voti ne finiat Bellum; nulla cum eo Hoste Intermissio, cum quo suspecta pax, tutior pugna, certa Victoria. beneficium, quod ostendistis perficite, vos extrema manet gloria, proferatur cedes, donec vltimam vero Soli rebellis Ottomana Luna patiatur Eclipsim.

Quid tamen hoc est? pugnatum ad Istrum, & triumphatur ad Tybrim? illic prælia, hic trophęa Egregius nostrę attulit author lætitię? Vicit, Cæsaris fortuna, Regis Virtus, Germanię fatum. Cur hostilibus onusta spolijs, ingenti ostentatione obsequij ad INNOCENTII pedes se sistit Victoria?

Nimirum tua est SS. Pater; tuis auspicijs consecratą tuoinaugurata nomine, tuo se deuouet Numini, Tu consilio, Tu opibus, strenuissimos Duces, inuictissimas Nationes

tionem ad publicam libertatem defendendam excitasti; excitasti non modò, sed impulisti; per te stat salus publica; Tibiquè ij debent quibus nos debemus: Perierat Christiana Respublica Perierat, nisi Tu Principum maxime Diuina illa, qua præstas mente, & copiosissimis largitionibus laboranti opem tulisses; sic Iouem suum in auream pluuiam dilapsam probauit Orbis; hoc Imbre triumphale sedus adoleuit, cuius fructus, Victoriâ.

At, unde nam, qui nostræ semper pepercisti pecuniæ, qui grauissimis oneribus Vrbes subleuasti, hæc accipis, quæ sic diffundas, hæc habes, quæ sic largiaris? aucta forsitan onera, aut necessaria exactionis clade, absumptæ Proinciæ?

Ab sit Pater optime, tua munera non redundant lachrymis, nec largitiones tuæ sunt vectigales; nos incolumes, intacta bona: solus Princeps pauperior factus, qui dum nostris bonis parcit, non parcit affectibus, dum nostras dimittit opes, corda rapit.

Auara hæc est prodigètia, quæ æternam in animis molitur seruitutem, & dum Vrbem seruat, totum sibi deuincit Orbem.

Meruerat incredibilis ista liberalitas, habere etiam præclari facinoros Imitatores; neque ad tuæ gloriæ cumulum hoc laudis defuit incrementum.

Vidit ætas nostra (quod sibi adscribi vellet antiquorum sanctitas temporum,) Purpuratorum opes, Illustrissimorum Virorum diuitias (premiū laborum & ornamentum virtutis) sacra desiderare stipendia, & quodam spontaneo pietatis impetu, in Fidei hostes irrumpere.

Alatos diceres Thesauros, qui è longinquis Regionibus ad pedes,

pedes Sanctissimi Principis aduolarunt sacram suscepturi militiam; nec defunt tibi Sanctissime Princeps tuæ domesticæ Imitatores virtutis, nullo tamen fastu, aut pompa munificentiae; quorum iucunda foret narratio nisi quod, quæ pietas nouit laudanda facere, modestia audire non patitur.

Hæc quoque tua sunt Principum optime, quæ licet omnem superent gratitudinis metam, æqua tamen compensatione rependimus.

Probasti Sanctissime Princeps nostris in lachrymis, nostris in precibus, nostraque in lætitia & gratulatione reuerentiam, gratitudinem nostram; dicam ampliùs, probasti, (quod summis Principibus magis expetibile) amorem nostrum: sed cum adhuc nostris beneficijs incumbas & iterum maiora cogites, non satis probasti. Tuo exemplo, tuisque incitamentis subita morum mutatio, profunda Pietas, mentes hominum altè peruasit; mira res! nullum facinus, crimen nullum, ut dum etiam publica lætitia feliciter insaniret, Imaginem tamen virtutis non deposuerit.

Habes igitur præclarum, de labore meritum, de merito triumphum: tenes votum, teneasque semper, duretque in æternum quod vnice concupisti; quodque raris contigit Principibus Populos fecisse felices, quod (præter Te) nemini, fecisse meliores.

D I X I.

Cur tanta hæc radiat dic luce Panegyris? Author

Lucis ab ipsius nomine nomen habet.

Andreas Pesculius.

